



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Epistola Auctoris de subiecto, ac diuisione totius operis.

urn:nbn:de:hbz:466:1-13589



EPISTOLA IN LIBRVM
VOCATVM DIRECTORIVM
INQUISITORVM.

COMPILATVM PER FRATREM NICOLAVM
Eymerici, ordinis Fratrum Prædicatorum, Sacræ Theo-
logiæ Magistrum, Capellanum Domini
nostri Papæ,

*Ac in terris Domini Regis Aragoniæ Inquisitorem
hereticę prauitatis.*



RATER Nicolaus Eymerici Ordinis Fratrum Prædicatorum Sa-
cræ Theologiæ Magister, indignus Sanctissimi domini nostri Pa-
pæ Capellanus, ac Inquisitor hæreticę prauitatis in omnibus Re-
gnis & terris Serenissimi Principis Domini Regis Aragonum ditio-
ni subiectis, a sancta Sede Apostolica specialiter delegatus, Vene-
rabilibus patribus, fratribus eiusdem ordinis in Christi visceribus
prædilectis, vniuersis & singulis Commissarijs, vicarijsque nostris
in terris & regnis præfatis ad peragenda sanctę fidei negotia destinatis.
Salutem, & prauitatis hæreticę labem feruenti spiritu extirpare.

NE pia sanctę Inquisitionis negotia cœtui fidelium quamplurimum necessa-
ria ad damnatam extirpandam detestabilem hæreticam prauitatem, atque
ad approbatam complantandam irrefragabilem catholicam veritatem per
nos Inquisitorem vestris paternitatibus venerandis commissa, auctoritate
Apostolica præfata exequenda, propter † summorum Pontificum, canonum, catholico-
rum Imperatorum, legum, utrorumque extrauagantium, constitutionum istorum &
illorum apparatus, & glossarum, Apostolicarum litterarum, cœterorum domi-
norum tam spiritualium, quam temporalium priuilegiorum & indultorum, ac Sedis A-
postolicę legatorum, ipsiusque Ecclesię prælatorum prouincialium ad Inquisitores
labis eiusdem consiliorum, cœterorumque omnium librorum aliorum necessariorum,
hinc inde disperforum pro exequendo præfato fidei negotio, penuriam & defectum,
contingat aliquatenus impediri, seu potius retardari: aut (quod absit) uestras paterni-
tates in Inquisitionibus faciendis, processibus conficiendis, pœnitentijs imponendis,
sententijs proferendis, cæterisque dependentibus, contingentibus emergentibus ex
eisdem, in prosecutione tanti & tam memorati ardui fidei negotij oberrare. Et ne
vberem, florentemque Ecclesiam, vineam inquam Domini Sabaoth, quam summi patris
dextera complantauit, quam eiusdem patris filius proprij ac viuifici vnda cruoris ube-
rius irrigauit; quam ipse almus spiritus paraclitus miris ineffabilibusque donis intimius
A fecundauit

† Institutum
auctoris in
hoc opere cõ-
ficiendo.

Tœcundauit : quam tota ipsa incomprehensibilis atque inattingibilis Trinitas beata grandissimis varijsq; priuilegijs sanctius dotauit pariter & ditauit: Aper de fylua, qui est & dicitur hæreticus quilibet, absorbeat & depascat, fructus fidei uberes deuastando, ac lacerantes hærefum vepres palmitibus inferendo: Serpensque tortuosus, nostri improbus humani generis inimicus efflans virus; qui est Satanas & Diabolus; eiusdem uincæ Dominicæ palmites inficiat, in fructus virus prauitatis hæreticæ immittendo: Ne etiam in agro ipso Dominico, qui est populus catholicus, ad quem excolendum pariter & serendum descendit de summorum polorum arce Dei patris vnigenitus, atque primogenitus: seminauit miris sanctisq; prædicationibus: discurret per uilla & castella, docens non sine magnis fationibus: elegit Apostolos, viros utique operarios industrios, ac conduxit ditans illos æternis retributionibus, expectans ipse Dei filius de agro isto, magno illo die iudicij extremo, vberes manipulos colligere, & per manus sanctorum angelorum recondere in cælesti horreo sancto suo: Sæpionis vulpeculæ intricate; quæ sunt personæ labe hæretica deprauatæ; facies habentes diuersas, sed caudas ignitas adinuicē colligatas, quia in vanitate flaminis superbiæ conueniunt in idipsum, segetem Dominicam iam albam ad messem, splendoribus fidei relucentem, morsu amarissimo demoliantur, ac discursu subtilissimo per uagentur, impetuque validissimo accedant, pariter & accendant, dissipent & deuastent, sinceritatē sanctæ fidei catholicæ subtiliter & damnabiliter subuertendo: Ea propter, & ut Inquisitionis negotium cōtra hæreticam prauitatem ad Dei gloriam, & augmentum fidei orthodoxæ, in nostris temporibus vestrisque manibus de bono in melius prosperetur: Præfens opus nostrum nouiter concordatum, vtiliter compaginatum ex præfatis canonibus, legibus, constitutionibus, extrauagantibus, apparatus, determinationibus, condemnationibus, prohibitionibus, approbationibus, confirmationibus, cōsulationibus, risionibus, litteris Apostolicis, priuilegijs, indultis, consilijs, hæreticorum sectis, varijsq; formulis litterarum, commissionum, citationum, excommunicationum, absolutionum, cautionum, purgationum, condemnationum, sententiarum, relaxationum, & alijs Inquisitionis officio necessarijs, hinc inde collectis: ut altera Ruth de spicis hac illac dispersis post tergū mententium, manipulum constringentes compilauimus, edidimus, & confluimus: vestrisq; paternitatibus venerandis, ex causis antefatis, tenore nostrarum litterarum præsentium, destinamus. Quæ quidem compilatio præfens in Partes tres (ut noueritis) est distincta. Nam in prima agitur de fide catholica, ut plantetur. In secunda de prauitate hæretica, ut uideatur. In tertia de officij practica, ut seruetur. Vos igitur, Patres mei charissimi, per omnia merito uenerandi, ad exequenda fidei pia negotia auctoritate Apostolica destinatis: obsecramus per uiscera misericordiæ Dei nostri, quatenus præsentem compilationem deuote suscipiatis, ad illam mentis oculos conuertatis, in illa sedulius studeatis, illam uestris cordibus imprimatis, de illa & eius ueritate firmiter cōfidatis: ab illa & eius sinceritate nullatenus discedatis: per illam uos in iudicialibus uestris actibus, dirigatis: illam & theologis & iuris uocatis per uos ad consilia, exponatis: Et secundum illam, & in ea contenta ad imponendas penitentias, ad inferendas, & proferendas sententias procedatis, taliter in huiusmodi uos habentes, quod cedat ad Dei gloriam, & ad Diaboli ignominiam: ad fidei Catholicæ exaltationem, & ad prauitatis hæreticæ depressionem: ad Catholicorum honorem: & hæreticorum ruborem: ad nostri ac uestri augmentum meriti, & ad laudem & exaltationem sanctissimi nominis Domini nostri Iesu Christi: cui est & sit laus, honor, & gloria in sæcula sæculorum. Amen.

Operis diuino.